

VI. ANUNCIOS**A) ADMINISTRACIÓN AUTONÓMICA****AXENCIA GALEGA DE INFRAESTRUTURAS**

ANUNCIO do 21 de xaneiro de 2020 polo que se somete ao trámite de información pública o proxecto de construción da reurbanización da travesía de Outes, segunda fase, de clave AC/19/037.06, así como a relación individual de bens, dereitos e propietarios afectados polo proxecto de referencia.

Antecedentes:

Mediante a Resolución da Dirección da Axencia Galega de Infraestruturas do 1 de outubro de 2019 aprobouse provisionalmente o proxecto de construción da reurbanización da travesía de Outes, 2ª fase, de clave AC/19/037.06.

O proxecto considerado ten como obxectivo fundamental definir as actuacións e obras necesarias para a mellora da travesía de Outes, correspondente á estrada AC-550. O treito afectado, entre os pp.qq. (puntos quilométricos) 64+400 e 65+020, pertence á denominada avenida de Fisterra, do núcleo de Serra de Outes.

Trátase dun treito urbano, de titularidade autonómica, cun deficiente estado do firme da calzada, que é pola súa vez a principal comunicación do concello con toda a costa galega e atravesa o termo municipal pola costa.

As actuacións que se recollen no proxecto e que repercuten nunha mellora da seguridade viaria son as seguintes:

- Demolición dun muro de pedra antigo na marxe dereita (pp.qq. 64+800-64+960) e ampliación da calzada, o que permitirá a continuidade da beirarrúa.
- Rehabilitación do firme da calzada e renovación de beirarrúas e servizos municipais.
- Reordenación de espazos e adaptación dos itinerarios peonís ás normas de accesibilidade vixentes.
- Reforzo da iluminación dos pasos de peóns e colocación de nova iluminación pública.

CVE-DOG: awz64lp2-icp5-ju27-hjz3-9thmxvgxunw8



– Renovación da sinalización horizontal e vertical para adaptala á nova configuración do trazado.

– Melloras nas interseccións da AC-550 coas rúas adxacentes.

Considerando todo o exposto e o establecido na normativa vixente,

RESOLVO:

Primeiro. De acordo co establecido no artigo 21.1 da Lei 8/2013, do 28 de xuño, de estradas de Galicia, e no artigo 50 do Decreto 66/2016, do 26 de maio, polo que se aproba o Regulamento xeral de estradas de Galicia, o mencionado proxecto de construción sométese ao trámite de información pública durante un período de trinta (30) días hábiles, contados a partir do seguinte ao da publicación deste anuncio no *Diario Oficial Galicia*, para que as persoas que o consideren oportuno poidan formular por escrito, ante a Axencia Galega de Infraestruturas, as observacións que crean convenientes relativas á concepción global do trazado deseñado.

Segundo. Que simultaneamente ao trámite sinalado no parágrafo anterior e para os efectos previstos no artigo 56.1 do Decreto do 26 de abril de 1957, polo que se aproba o Regulamento de expropiación forzosa, sométese á información pública a relación individual de bens, dereitos e propietarios afectados pola realización da obra correspondente, para que os afectados presenten cantas alegacións ou rectificacións consideren convenientes en canto aos bens e dereitos descritos na relación anexa.

Terceiro. A exposición ao público, para os efectos da presente resolución, realízase na Axencia Galega de Infraestruturas (San Caetano, s/n, 15781 Santiago de Compostela), no Servizo de Infraestruturas da Coruña (rúa Vicente Ferrer, 2, 15008 A Coruña), na Casa do Concello de Outes (rúa da Vila, 1, 15230 Serra de Outes, A Coruña).

Así mesmo, na páxina web da Consellería de Infraestruturas e Mobilidade (https://infraestructurasemobilidade.xunta.gal/organizacion/c/CIV_Axencia_Galega_de_Infraestructuras), atópase á disposición dos interesados o documento completo do proxecto de construción.

Santiago de Compostela, 21 de xaneiro de 2020

Francisco Menéndez Iglesias
Director da Axencia Galega de Infraestruturas

CVE-DOG: awz64lp2-icp5-ju27-hjz3-9thmxvgxunw8





ANEXO

Relación de bens, dereitos e propietarios afectados

Proxecto de construción da reurbanización da travesía de Outes, 2ª fase.

Clave AC/19/037.06.

Concello de Outes.

Núm. orde	Ref. catastral	Polígono	Parcela	Titular	DNI	Superficie (m ²)	Uso	Expropiación (m ²)	Clasificación
1	7629001NH0472N0001UT	76290	1	Mª Herminia Molinos Caamaño	***466**	329	Agrario	14,44	Urbano
2	7530918NH0473S0001YU	75309	18	Antonio Campos Fernández (hrdos. de)	***618**	204	Agrario	19,30	Urbano
3	7530917NH0473S0001BU	75309	17	Claudino Vidal Pedrosa	***574**	200	Industrial	29,33	Urbano
4	7530916NH0473S0001AU	75309	16	Descoñecido	-----	228	Agrario	17,39	Urbano
5	7634202NH1402S0001AB	76342	2	Andrés Patricio Manuel del Río Fuentes	***887**	8866	Residencial	792,79	Urbano

